



Pritvor za švercere

Markica i Kristijan Gojković, te Safet Hasikić i Rifat Šaćirović sumnjiče se za šverc droge i oružja



Sud Bosne i Hercegovine je na prijedlog državnog Tužilaštva odredio pritvor za osumnjičene Markicu Gojkovića (1978) iz Doboja, Kristijana Gojkovića (1997), Rifata Šaćirovića (1983) i Safeta Hasikića (1985), svi iz Brčkog. Oni su uhapšeni u akciji Granica koju su po nalogu Tužilaštva BiH realizovali **SIPA** i MUP RS-a, a osumnjičeni su za organizirani kriminal povezan sa krivičnim djelima neovlaštenog prometa opojnih droga i neovlaštenog prometa oružja, municije i proizvoda dvojne namjene.

Mjere pritvora prema osumnjičenima Markici i Kristijanu Gojkoviću su predložene zbog opasnosti od bjekstva te opasnosti da bi boravkom na slobodi mogli ometati istragu, prikrivati dokaze te vršiti utjecaj na svjedoke ili saučesnike. U pogledu osumnjičenih Safeta Hasikića i Rifata Šaćirovića mjera pritvora je predložena zbog opasnosti da bi boravkom na slobodi mogli ometati istragu, prikrivati dokaze i vršiti utjecaj na svjedoke ili saučesnike, te ponovo počiniti krivično djelo ili završiti započeto.